

ZAPISNIK
SA XI PROŠIRENE SJEDNICE UPRAVNOG ODBORA
UDRUŽENJA POSLODAVACA FBIH
održane dana 11.01.2017.godinesa početkom u 12:00 časova,
u hotelu „Bosnia“ (Kulovića 9.) u Sarajevu

Sjednici su prisustvovali članovi Upravnog odbora UPFBiH: Adnan Smailbegović, Eldin Hadžiselimović, Safudin Čengiđ, Sanel Kusturica, Snježana Kopruner, Adisa Karahodžić, Kemal Čolak i Izet Imamović.

Sjednici su po ovlaštenju članova Upravnog odbora UPFBiH prisustvovali: Željko Marjanović (po ovlaštenju Vilima Primorca), Darko Josipović (po ovlaštenju Tomislava Sliškovića), Almir Tekadž (po ovlaštenju Rasmira Hrvića) i Sadeta Abduzaimović- Filipović (po ovlaštenju Nijaza Skenderagića).

Sjednici nisu prisustvovali članovi Upravnog odbora UPFBiH: Suhad Ećo, Kemal Hrnjić, Mario Čulina, Nurdin Peštalić, Milenko Čolak, Ramiz Grapkić, Marin Raspudić, Ante Suton i Enisa Bekto, koji su opravdali svoje odsustvo.

Sjednici su prisustvovali članovi ESV-a za teritoriju FBIH: Zoran Gazibarić i Senad Džambić.

Sjednici su prisustvovali i predstavnici Grupacija i predsjedavajući pregovaračkih timova za granske Grupacije.

Ispred UP FBIH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBIH Adnan Smailbegović i predložio slijedeći:

DNEVNI RED

1. Usvajanje Zapisnika sa X proširene sjednice UO;
2. Izbor i imenovanje člana Upravnog odbora i potpredsjednika UO UPFBiH;
3. Razmatranje materijala za sjednicu ESV-a;
 - a) Nacrt Zakona o zaštiti na radu;
4. Zauzimanje stavova UPFBiH vezano za kolektivne ugovore;
5. Inicijativa za donošenje Uredbe o načinu deklarisanja i navođenje rokova trajanja na kozmetičkim proizvodima;
6. Inicijativa za izmjenu Pravilnika o dodjeljivanju identifikacionih brojeva i poreznoj registraciji poreznih obaveznika na teritoriju Federacije BiH;
7. Usvajanje Odluke o utvrđivanju iznosa naknade troškova za izdavanje potvrde o članstvu;
8. Imenovanje predstavnika UPFBiH u Radnu grupu za izradu Okvirne strategije za promociju i privlačenje direktnih stranih ulaganja u BiH;
9. Imenovanje predstavnika UPFBiH u Upravni odbor Projekta“ Lokalno partnerstvo za zapošljavanje“;
10. Tekuća pitanja.

Pod tačkom tekuća pitanja Salem Ekmešić, potpredsjednik Skupštine je kandidovao sljedeće:

- a) Blokiranje magistralnih puteva zbog štrajka radnika

Dnevni red je uz dopunu pod tačkom tekuća pitanja jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa X proširene sjednice UO UP FBiH

Predsjednik UO je obavijestio članove UO UP FBiH da su dobili materijale za sve tačke Dnevnog reda uključujući i Zapisnik i zamolio da se izjasne da li imaju primjedbi. Na pomenuti zapisnik nije bilo primjedbi.

A.D.1.: Zapisnik sa X proširene sjednice UO UP FBiH je jednoglasno usvojen.

Tačka 2. Izbor i imenovanje člana UO i potpredsjednika UO

Dosadašnju funkciju člana i potpredsjednika Upravnog odbora UPFBiH je obnašao Milenko Čolak predstavnik kompanije Lager d.o.o. Posušje. Kompanija Lager d.o.o. Posušje je uputila UPFBiH zahtjev za istupanje iz članstva, te je u skladu sa članom 15. Prečišćenog teksta Statuta Lageru d.o.o. Posušje 24.11.2017. godine prestalo članstvo u UPFBiH.

Obzirom da je Milenko Čolak bio predstavnik kompanije Lager d.o.o. Posušje, istekom navedenog roka u skladu sa članom 33. Prečišćenog teksta Statuta UPFBiH prestao je i mandat člana UO i potpredsjednika UO.

Shodno navedenom, potrebno je izvršiti razrješenje dosadašnjeg člana i u skladu sa članom 34. izvršiti imenovanje novog člana i potpredsjednika Upravnog odbora UPFBiH, čime će se obezbijediti kontinuitet rada.

Za novog člana UO i potpredsjednika Upravnog odbora predlaže se gđin. Krasnodar Petrović, vlasnik i direktor kompanije Planet d.o.o. Gospodin Petrović je diplomirani inženjer i više od 20 godina je vlasnik kompanija i jedan od najuspješnijih poslodavaca iz oblasti trgovine u BiH. Pored Planet d.o.o. gđin. Petrović je i vlasnik kompanije Dara d.o.o. i Brankkafe d.o.o. iz Posušja.

Imajući u vidu da je dosadašnji član UO bio predstavnik kompanije iz Hercegovačko-Neretvanjskog kantona potrebno je voditi računa o tome da se za novog člana imenuje predstavnik kompanije iz hercegovačko-neretvanjskog kantona a u skladu sa članom 30. Prečišćenog teksta Statuta UPFBiH.

Predsjednik je zamolio članove UO da se izjasne o prijedlogu ili predlože drugu osobu.

Obzirom da nije bilo novih prijedloga doneseni su sljedeći:

A.D.2.1. Milenko Čolak razrješava se dužnosti člana i potpredsjednika Upravnog odbora UPFBiH.

A.D.2.2. Za novog člana Upravnog odbora i potpredsjednika Upravnog odbora imenuje se Krasnodar Petrović. Mandat Krasnodara Petrovića traje do isteka mandata trenutnog saziva Upravnog odbora UPFBiH. Ova odluka mora biti potvrđena na prvoj narednoj sjednici Skupštine.

Tačka 3.a) Nacrt Zakona o zaštiti na radu

Direktor Mladen Pandurević je upoznao prisutne sa ovom tačkom dnevnog reda ističući da je 95% primjedbi UPFBiH ugrađenu u tekst i da je postignuta saglasnost sa Sindikatom. Shodno tome predlaže se da se Zakon o zaštiti na radu podrži od strane UPFBiH i da saglasnost Vladi da se uputi u parlamentarnu proceduru.

Nakon rasprave donesen je sljedeći:

A.D.3.a) UO UPFBiH prihvata Nacrt Zakona o zaštiti na radu u predloženom tekstu i daje punu podršku da se Zakon u formi Prijedloga u identičnom tekstu koji je usaglašen uputi u parlamentarnu proceduru.

Tačka 4. Zauzimanje stavova UPFBiH vezano za kolektivne ugovore

Vezano za ovu tačku dnevnog reda direktor Pandurević je upoznao članove UO da su prije reforme radnog zakonodavstva sva prava iz radnih odnosa bila su regulisana Zakonom o radu. Strateški pristup UPFBiH prilikom donošenja novog Zakona o radu 2016. godine je bio da se većina tih prava iz radnih odnosa koja su regulisana važećim Zakonom, definišu granskim kolektivnim Ugovorima.

Zahvaljujući mukotrpnom radu i velikim naporima UPFBiH postignuto je da Zakon o radu definiše samo minimalna prava, a da se većina prava kao što su utvrđivanje najniže plaće, utvrđivanje visine osnovne plaće, godišnji odmor, dodaci na plaću, uvećanje plaće po osnovu otežanih uslova rada, rada u dane praznika, prekovremeni rad i druga materijalna prava definišu kolektivnim ugovorima.

Obzirom da je Zakon o radu definisao obavezu da se navedena pitanja definišu kolektivnim ugovorima, potrebno je ta prava, odnosno uslove rada definisati kolektivnim ugovorima.

Međutim, pošto postoji šarolika zainteresiranost za potpisivanje granskih kolektivnih ugovora prijeto realna opasnost da će određena pitanja ostati neregulisana i da će Vlada pod pritiskom

ponovno vratiti navedena prava u Zakon o radu. Kao primjer možemo navesti Republiku Srbiju i Republiku Srpsku gdje je Vlada, kada je zaista bilo jasno da poslodavci i sindikat neće potpisati KU, određena prava kao što su minimalna plaća, topli obrok, regres, uvećanje plaće i dr. regulisala aktom koji je sama donijela bez učešća socijalnih partnera.

Kako bi se spriječila mogućnost da Vlada FBiH Zakonom ili drugim aktom bez učešća socijalnih partnera uređuje plaću i druga materijalna prava, Udruženja poslodavaca u FBiH preporučuje da Grupacije poslodavaca iz djelatnosti potpisuju granske kolektivne Ugovore

Pozitivne strane potpisivanja KU su sljedeće:

1. Uslovi rada se regulišu na osnovu kompromisa socijalnih partnera a ne zakonom;
2. Osiguranje socijalnog mira;
3. Izjednačavanje uslova rada za sve radnike u djelatnostima;
4. Suzbijanje neloyalne konkurencije među poslodavcima;
5. Lakše prilagođavanje trenutnoj ekonomskoj situaciji;
6. Dogovorena rješenja su provodiva u praksi;
7. Mogućnost poslodavca da planira svoje buduće poslovne obaveze, te
8. Mogućnost postizanja kompromisa sa sindikatom.

Potpisivanjem granskih kolektivnih Ugovora obezbjeđuje se socijalni mir, obzirom da je uobičajeno da se odredbama KU radnici obvezuju da za vrijeme važenja kolektivnog ugovora neće pokretati štrajk o pitanjima o kojima su se ugovorom usaglasili s poslodavcem.

Predlaže se Grupacijama da potpisuju granske kolektivne ugovore. Alternativa je da se potpisuju pojedinačni KU. Međutim, zbog nepostojanja sindikata u najvećem broju kompanija naših članica ta mogućnost ne postoji.

Nakon uvodnog izlaganja direktora, Predsjednik UO je otvorio diskusiju.

U diskusiji su učestvovali svi prisutni predsjedavajući dosadašnjih pregovaračkih timova. Prijedlog je da se imenuju Pregovarački timovi u starom sastavu, a da se tamo gdje je potrebno izvrši zamjena pregovaračkih timova. Također, predlaže se da se da ovlaštenje predsjedniku da u saradnji sa direktorom izvrši zamjenu člana pregovaračkog tima ukoliko za to postoje opravdani razlozi.

Nakon rasprave doneseni su sljedeći:

A.D.4.1. Imenuju se pregovarački timovi za vođenje pregovora i zaključivanje granskih kolektivnih ugovora za područja djelatnosti i to: za područje djelatnosti proizvodnje i prerade metala u FBiH; djelatnost tekstila obuće i gumarske industrije; za djelatnost trgovine; za

djelatnost građevinarstva; za djelatnost finansijskog poslovanja; djelatnost hemije i nemetala; za djelatnost prometa i saobraćaja; za djelatnost prehrambene i duhanske industrije; za djelatnost IT sektora; za djelatnost ugostiteljstva i turizma te djelatnost prerade drveta i papira u FBiH. Odluke o imenovanju čine sastavni dio zapisnika.

A.D. 4.2. Preporučuje se Grupacijama poslodavaca iz djelatnosti da pristupe pregovorima za zaključivanje granskih kolektivnih Ugovora.

A.D. 4.3. Preporučuje se Grupacijama poslodavaca iz djelatnosti za koje su potpisani granski kolektivni Ugovori da produže važeće kolektivne ugovore.

A.D. 4.4. Predlaže se Udruženju poslodavaca da se inicira potpisivanje kolektivnih ugovora za djelatnosti za koje još uvijek kolektivni ugovori nisu potpisani.

A.D. 4.5. UPFBiH će u javnosti da promovira spremnost poslodavaca na potpisivanje Granskih kolektivnih ugovora.

A.D. 4.6. Rukovodstvo UPFBiH će održati sastanke sa pregovaračkim timovima i rukovodstvima Grupacija koje za to iskažu potrebu.

Tačka 5. Inicijativa za donošenje Uredbe o načinu deklarisanja i navođenje rokova trajanja na kozmetičkim proizvodima

Članice Grupacije poslodavaca iz oblasti trgovine pri Udruženju poslodavaca FBiH, poput Binga, DM-a, Konzuma, Mercatora, Prodexa, Amko komerca i mnogih drugih su zbog nepostojanja propisa u Federaciji BiH i neusklađenosti entitetskih propisa, prinuđeni da na različit način deklariraju kozmetičke proizvode i navode rokove trajanja na proizvodima koji se plasiraju na području Federacije BiH i Republike Srpske.

Propisi u Federaciji BiH i Republici Srpskoj istu materiju regulišu na dva različita načina, čime se otežava poslovanje i poslodavci dovode u neravnopravan položaj.

Ukoliko trgovac deklarirše proizvod prema važećim propisima u Federaciji BiH, bit će kažnjen na području Republike Srpske, a ukoliko deklarirše proizvod prema važećim propisima u Republici Srpskoj bit će kažnjen na području Federacije BiH. Pored izricanja kazni za prekršaje trgovci su izloženi **dodatnim troškovima** prevođenja deklaracija, etiketiranja proizvoda, skladištenja proizvoda, a ti troškovi na godišnjem nivou iznose oko 2,2% od nabavne vrijednosti proizvoda.

Zbog važnosti ovog problema, Udruženje poslodavaca FBiH je organizovalo sastanak na kojem su prisustvovali predstavnici: Ministarstva vanjske trgovine i ekonomskih odnosa BiH, predstavnici entitetskih ministarstva zdravstva i entitetskih inspektorata. Predstavnici nadležnih institucija su podržali inicijativu da se ovaj problem što hitnije riješi i jednoglasno donijeli zaključak da će se

uputiti Inicijativa Vladi FBiH za donošenje uredbe kojom će se privremeno regulisati ovo pitanje, a istovremeno će Ministarstvo zdravlja FBiH sačiniti prijedlog Zakona o predmetima opće upotrebe u FBiH i Pravilnika o bezbjednosti predmeta široke potrošnje u FBiH.

Nakon uvodnog izlaganja Predsjednik je otvorio diskusiju.

Nakon rasprave donesen je sljedeći:

A.D.5. UO podržava inicijativu za donošenje Uredbe o načinu deklarisanja i navođenje rokova trajanja na kozmetičkim proizvodima. Inicijativa je sastavni dio Zapisnika. Zadužuje se stručna služba UPFBiH da inicijativu za donošenje Uredbe uputi Premijeru Vlade FBiH.

Tačka 6. Inicijativa za izmjenu Pravilnika o dodjeljivanju identifikacionih brojeva i poreznoj registraciji poreznih obaveznika na teritoriju Federacije BiH

Direktor UPFBiH je upozano prisutne sa Inicijativom koju je UPFBiH uputilo Ministarstvu finansija, a vezano za izmjene Pravilnika o dodjeljivanju identifikacionih brojeva i poreznoj registraciji poreznih obaveznika na teritoriju Federacije BiH.

Novim Pravilnikom o dodjeljivanju identifikacionih brojeva, registraciji i identifikaciji i evidencijama poreznih obaveznika na teritoriji FBiH ("Službene novine FBiH", broj 69/17 od 13.9.2017. godine) uvode se novi nameti na poslodavce.

Umjesto pojednostavljenja procedura i rasterećenja privrede navedenim Pravilnikom uvode se dodatna opterećenja poslodavcu. Dodatno opterećenje i parafisikalni namet predstavlja obaveza ovjere i notarske ovjere dokumentacije. Svaka ovjera dokumentacije se plaća u iznosu 10-50 KM a notarske ovjere koštaju 350-400 KM.

Imajući u vidu navedeno smatramo da je ovakav način registracije složen, komplikovan i potpuno zastario te da je ovjeravanje dokumentacije bespotrebna a obaveza notarske ovjere neustavna.

Shodno navedenom, zahtijevamo da se navedeni Pravilnik izmjeni u smislu da se obezbijedi da nadležna Porezna Uprava dodjeljuje ID broj na zahtjev stranke, ali da potrebnu dokumentaciju nadležna PU pribavlja službenim putem od strane organa koji vrše registraciju. Ovakvo rješenje ima Republika Hrvatske koja je poresku reformu izvršila u skladu sa zahtjevima EU.

Gdin. Pandurević je u uvodnim mapomenama informisao članove UO da su već obavljani prvi razgovori sa predstavnicima Ministarstva i da je tom prilikom Ministarstvo podržalo našu inicijativu te da će se u narednom period raditi na pripremi odgovarajućih rješenja.

Predsjednik UO je otvorio diskusiju po ovoj tački dnevnog reda.

Nakon diskusije donesen je sljedeći:

A.D.6. UO je podržao Inicijativu za izmjenu Pravilika o dodjeljivanju identifikacionih brojeva i poreznoj registraciji poreznih obaveznika na teritoriju Federacije BiH.

Tačka 7. Usvajanje Odluke o utvrđivanju iznosa naknade troškova za izdavanje potvrde o članstvu

Direktor je upoznao prisutne da svakodnevno u Udruženje dolaze zahtjevi za izdavanje potvrde za članstvo u UPFBiH. S tim u vezi trebali bi angažovati referenta koji bi samo radio na izdavanju potvrda za članstvo. Kako bi se broj upita smanjio predlaže da UO donese Odluku o utvrđivanju iznosa naknade troškova za izdavanje potvrde o članstvu.

Prijedlog je da visina naknade bude 50, 00 KM za osobe koje nisu članice.

Nakon diskusije donesen je sljedeći:

A.D.7. UO je na prijedlog direktora usvojio Odluku o o utvrđivanju iznosa naknade troškova za izdavanje potvrde o članstvu.

Tačka 8. Imenovanje predstavnika UPFBiH u Radnu grupu za izradu Okvirne strategije za promociju i privlačenje direktnih stranih ulaganja u BiH

Agencija za unapređenje stranih investicija u BiH-FIPA je dostavila zahtjev za imenovanje predstavnika UPFBiH u Radnu grupu za izradu Okvirne strategije za promociju i privlačenje direktnih stranih ulaganja u BiH obzirom da se Radna grupa treba proširiti sa predstavnicima VTK, FIC, UPFBiH i UUPRS.

Prijedlog je da se Predsjednik UO gđin. Adnan Smailbegović imenuje za člana navedene Radne Grupe.

Predsjednik je zamolio članove UO da se izjasne o prijedlogu ili da predlože druge osobe.

Obzirom da nije bilo novih prijedloga donesen je sljedeći:

A.D.8. Ispred Udruženja poslodavaca FBiH u Radnu grupu za izradu Okvirne strategije za promociju i privlačenje direktnih stranih ulaganja u BiH imenuje se Adnan Smailbegović, predsjednik UO UPFBiH.

Tačka 9. Imenovanje predstavnika UPFBiH u Upravni odbor Projekta“ Lokalno partnerstvo za zapošljavanje

Udruženje poslodavaca FBiH je dana 07.12.2017. godine zaprimilo dopis broj: 02/03-14-14556/17, od strane Ministarstva za obrazovanje nauku i mlade Kantona Sarajevo, a kojim se Udruženje poziva da imenuje predstavnika u Lokalno partnerstvo za zapošljavanje.

Prijedlog je da se Eduard Jahjaefendić član UO UP KS i vlasnik kompanije TTO iz Sarajeva u ime UPFBiH imenuje za člana Upravnog odbora Lokalnog partnerstva za zapošljavanje.

Obzirom da nije bilo novih prijedloga donesen je sljedeći:

A.D.9. Eduard Jahjaefendić se imenuje ispred Udruženja poslodavaca FBiH za člana Upravnog odbora Lokalnog partnerstva za zapošljavanje.

Tačka 10. Tekuća pitanja

Pod tekućim pitanjima raspravljalo se:

a) Problem blokiranja magistralnih puteva zbog štrajka radnika

Salem Ekmešić, potpredsjednik Skupštine UPFBiH je delegirao pitanje blokiranja saobraćajnica zbog štrajka radnika državnih kompanija. Mišljenja je da Udruženje treba da se oglasi po ovom pitanju u smislu da se mora pronaći rješenje da nedužni poslodavci, koji zbog štrajkova radnika ne mogu obavljati svoj posao.

b) Tematska sjednica na temu “Obrazovanje u FBiH”

Snježana Kopruner je predložila da se napravi tematski sastanak što se tiče obrazovanja. U SBK su napravljene analize koje su pokazale da od 36. 000 osoba na birou 17 000 nema nikakve stručne spreme, 243 zavarivača koji nemaju prakse i od kojih ni jedan ne zna upaliti aparat za zavarivanje, postoji 1000 medicinskih sestara za koje ne postoji potreba na tržištu rada. Analiza SBK je pokazala da obrazovanje nije usklađeno sa tržištem rada i da se ne školuje kadar koji je potreban na tom području. Također veliki je problem zbog nedostatka kadra i zbog toga poslodavci osnivaju centre za obuku. Potrebno je izvršiti reformu obrazovanja što prije pa uzoru na Njemačku. S tim u vezi predlaže da se održi tematska sjednica na temu “Obrazovanje u FBiH”. Gdin Smailbegović je istakao da je prijedlog dobar i da se može organizovati sjednica na koju će biti pozvani Ministrica obrazovanja FBiH kao i ministri obrazovanja kantona. Međutim ne postoji sigurnost da će se svi ministri kantona odazvati ovom pozivu. Treba pokušati obezbijediti ministre najmanje sa 3. Kantona i da se napravi tematska sjednica kako bi pokrenuli ovo pitanje.

c) Informacija o Zakonima čije donošenje treba inicirati u toku mandata trenutne vlasti;

Gdin Smailbegović je informisao članove UO da je rukovodstvo UPFBiH u proteklom periodu obavilo sastanke sa predstavnicima Vlasti i sindikatom na kojem su definisani nekoliko Zakona koji su bitni za UPFBiH. Za navedene Zakone UPFBiH lobira i pokušava da dobije podršku od strane izvršne i zakonodavne vlasti, a obzirom da ne trebaju podršku u smislu političkih Odluka,

kako bi se uputili u Prlamentarnu proceduru. U tom smislu rukovodstvo UPFBiH je održalo sastanke sa predstavnicima Vlasti i sindikatom sa ciljem da se pokuša uticati na donošenje tih Zakona. Zakoni o kojima se razgovaralo i za koje smatramo da se mogu donijeti do kraja mandata postojeće vlade su:

1. **Zakon o zdravstvenom osiguranju**
2. **Zakon o porezu na dobit**
3. **Zakon o reviziji i računovodstvu**
4. **Zakon o privatizaciji**
5. **Zakon o finansijskom poslovanju**
6. **Zakon štrajku**
7. **Zakon o mirnom rješavanju sporova**
8. **Zakon o zaštiti na radu**
9. **Zakon o fiskalnim sistemima**
10. **Zakon o stečaju**

Prijedlog je da UPFBiH, obzirom da se radi o Zakonima za koje ne treba posebna politička podrška, učini sve napore sa ciljem da se nabrojani Zakoni upute u parlamentarnu proceduru.

Nakon rasprave donesen je sljedeći:

A.D.10. a Upravni odbor je podržao prijedlog Salema Ekmešića.

A.D. 10. b Upravni odbor je podržao prijedlog Snježane Kopruner i zaključeno je da će se u narednom periodu organizovati tematska sjednica na temu "Obrazovanje u FBiH" na koju će biti pozvani ministri obrazovanja FBiH i kantona, predstavnici institucija obrazovanja (srednje škole, fakulteti) te predstavnici poslodavaca.

A.D.10.c. UO je podržao prijedlog da se za navedenih 10 Zakona učini napor da se upute u parlamentarnu proceduru.

Sjednica se završila u 14:15 sati

Zapisnik sačinila: Mersiha Jusić

Predsjednik UO
Adnan Smailbegović